

Carnevale di Rivarone 2003

BUSINA'



INTRODUZIONE

Cocadò u sperava c'alla faisu gnent
Ma nuater, puntual, soma semper present
E cmè tuc i an ioma pruà
A trà ansema as toc ad Businà.

Certo, soma gnent scritur
Du ureñis e du agricultur
Però, a cuntà del ball
Am bat ansò, soma ecesiunal.

EDILIZIA AGEVOLATA

Ant as mument ad recessiò

Ammà l'edilesia la tira a Rivarò

Vardè sac l'a facc Pacialè

Ancù an pò ii fa' su an castè

L'a catà su ii monument, ii palasi, l'a pià la sbriva

L'a facc su Pierina, Stevu e la Cuperativa

Per lù d'ustacul i né meia

L'ousa e u slarga cmè chi smeia

I apartamen cl'ava i a sobet ficià

Ade ant i garage a s'è lancià

Ma con i presi ca l'a sparà

La gent la lasa el machin an sla strà

Ma a si afari lu ii pensa gnent

Col chii conta l'è u stabiliment

L'a rdubià la manuvalansa

Toti brut ma con tanta sustansa

Absogna ammà chi lavuru e digu gnent

Lu, ad stipendi, i dà poc o gnent

"Paciale, t'è truà l'America a Rivarò,

Ti sì ca t'è an bel vulpò"

GESTORE SOMS

L'an pasà d'autogestìo
Cocadò in'ava pè i cuiò:
"Per fa andà anà la Sucietà
an gestur duvoma truà"

Ian mutà l'annuncio an su giurnal
Ma sé presentà ammà di perdabal
Ad toti si prupost ian sarnù la pu bela
Da Valenza iè rivà Pascarella

D'idei in'ava tanti , l'era an po' gasà
"Mi av dag da bei e da mangià,
Mi u lavù am spuenta gnet"
U sò fort l'era fa gnent

A l'ava semper an gran da fà
Andà ad forà per pudi fumà
Ii vuriva crumpà na cà chi a Rivarò
Ma inà truà meia perché i mancava semper an butò

Dop tri meis das lavù seri
L'a pensà ad piás an po' ad feri
L'è andacc a 'n spusalesi fin là sù
Dop quendes di ioma pensà cu rivaisa più

"Son stacc veia tant per pensà
Iò decis, a mol la Sucietà,
Iò capi cl'è mei fa l'ambulant
A fag menu fadeia vandanda del mudand"

U RICOVER

L'è stacc in afari che nuater ioma semper ludà
Ma, ast'an, la vera storia vuroma cuntà
Romolo, an siur mort pover
L'a lasà u sò patrimoni per fa u recover

La Diresiò l'a decc:
"Per fa' na roba bela
Absogna fal an tu stalò dla Chiamamela"
Chi i son cminsà i afari

I lavù iandavu mai bè
Anveci d'andà anà iandavu andrà
Dop tanc an iè rivà an gros finansiament
La gent ieru tuc cuntent

"S'andoma anans acsi
Per la fè dl'an a l'è fini"
Ma ater sold iè continuà a rivà
E i lavù i son mai sbruià

La gent l'a cminsà a di:
"Tuc i sold andò ca i son andac a fini"
Nuater ioma ciamà a iò impurtan per savei bè
Ii vicesendic cl'è ii Mandrugnè

Lù l'a dec acsi:
"Per la fè ad mars a l'è fini"
ma nuater a soma andac a veg andrent
l'è tut rot e ad fini iè ancura gnent

Ma per fa sù l'ultim lot
Iè tucà tirà su i muret ad Piot
E, andrenta, per slargà
I travu sù del murai ad ciment armà

Iiv capi doc i van a finì i miliò
Anta si lavù fac sensa cugnisiò
Ai noster fioi i gioma: "Iludiv gnent
Gnanca vuater, da veg, andarri li 'ndrent".

LA SFIDA

La Madona ad Sitember l'e gnent fineia

Se iè gnent la parteia

Ian pensà ad fà giugà ii balò

Tra si fiò giun e di veg scarpò

I veg per pagura i davu meia d'impurtansa

Tant soma veg con poca sustansa

I giun, anveci, i andavu pu a spass

Ma tuc i di a alenas

E gnent ammà a cur

I favu col chi giva l'alenatur

“A soma ben preparà

Stavota ai veg i doma na bela sacagnà”

“La parteia alloma an mà” i givu lur

“Ioma fina an giugadur ad culur”

Pena finì i Alpè soma alvà su da la careia

Per andà tuc a veg la parteia

A l'inesi i giun i favu an po' i galet

Ma i rablò i an subit calmà con del psà antel garet

Però i giun i andavu gnent bè, i curivu da chi e da là

Ma i tiravu ammà antla raminà

Ala fè iè andacia mal, ian pardù

Con an brut punteggio ad ses a dù

A la sira tuc amis

Me cla vò la festa dii pais

I KARINO'

Anca st'an assan fac truà
Ina sira antla Società
Luigino, con tanta pasiensa
L'a mutà sù an spetacul da fantasiensa

Lù i preparava, i fava surti
Ma si fiulè i savu mai se chiavu da dì
An bel mument Carla iè rivà
El puisei la cminsà a ramnà

La gent la giva: "L'è semper cola
Ca la conta la medesima cuntola"
Tanti beli parol, ma l'era pù bona a finì
Tuc i bufavu cla fava drumi

Finalment, quand che glà facia a stralasa
La gent l'a cminsà a tirà ii fià
Ant'as spetacul an po' a fet
U rigesta s'è antastà ad fai parlà an dialet

Grami frulè ina parola giusta alla givu gnent
Ma l'era basta per fa rid la gent
Nuater gnenta semper a criticoma
Si'e na roba bela alla plaudoma

Assoma diverti in ura tuc cument
Anche perché as pagava gnent

LA SCALA

Ina vota avsè la cà ad Bargnoca
Iera an santè cl'andava su antla roca
I pasavu tuc, l'era trù tantu bē
Che el pù tant vot tel fav col cù e gnent co i pè

In an con tanta piova l'e franà
E da li te pù pudù pasà
U Sendic ingegnus l'a pensà bē:
"Per andà su a fas na scala gnent an santè"

I lavù i son subit andac in esecusìò
Na ruspa la sgatavà ancontra u rivò
Jan piasà i scalè con na mantenga bona
Perché i vaga sù e su qualsiasi personna

Iavu ' pena pasà la metà
Che i lavù as son fermà
La gent la capiva gnent
Sa ca l'era s'incident

Cocado u giva: " I sarran finì contra an priò"
Anveci l'era che iavu gnanca pù an butò
U Sendic l'a dec: "Mi am fag gnent pià pagura
Per truà i sold av aument la spasadura"

Avgarri che per la fè dl'an
La scala la và a finì an Tan

EL FEST

Metà genar ieru samò an ferment
Per urganisà tuc i festegiament

Ast'an a vuroma strafà
L'importa gnent saca ioma da pagà
Anveci che a San Remo ii Festival dla cansò
Ast'an al foma a Rivarò

Ian cminsà au dop disnà bunura
I cambiavu an cantant ogni mesura
Giancarlo ii fava u diretur
Ma ieru trop, s'ambruiavu fra lur

Che spetacul, tuc cuntent
E a mangià iera tanta gent
Ma a novur an cusenna ad pitansa iera pù gnent
Asson ciapà tancia asident

E l'è gnent fineia chi
Li bel l'a ancù da amni
Per rilancià la Patrunal
I vâ di artesta ecesiunal

Ian sarnù na cobia ad bò
Jo Squillo e l'urchester ad Pierò
Con si dù soma a camè
Iò u sonna e lè am fa veg i braiè

Sta show girl ansi i palc l'a pià an mà ii balè
Ter pù bò a mandala fora d'anti pè
Tant che Pieroni s'è rabià:
"Son mi l'artesta e voi sunà"

Stan el fest trop beli i son stac
Ma con che scopo c'allan fac
Nuater ades ioma capì
Lur iavu samò antla ment ad piantà li

RIVARONE DUE

Cocadò samò al savrà
Rivarone due l'è pù na nuità
Na matenna sensa fa burdel
Dala Gaieta ian piantà an cartel

An Cumonna dop tanta temp aian capì
Che ii pià regulatur ambsugnava fal li
“Lì ansoma l'è an post bò
L'è pià e avsè a u stradò”

Mauro l'a pensà ad fa “le cose sue”
Gianda: “ Chi a fas nas Rivarone due
Ad sa tera fas tuti fat
Acsili i stà pù ad vent vilet”

Sta cunfidensa vuriva gnent dila
A la sira iera i client chi i favu la fila
Ma Canonic ca l'è an vulpò
La matenna l'ava sa crumpà u toc pù bò

Mauro l'a dec: “L'è gnent ca ma stanca
Mi a fec an camion per purtà tuc i sold an banca”
E coc avsè adess ii masteia
Se m'la pagu bè i daganca la meia

S O M S

A genar an tla proma riuniò
Tut ii Cunsili l'a dac el dimisiò
L'e gnent stacia propi na nütà
Nuater allavu samò capì da stistà

S'è subit vust che la facenda as fava scura
Ad duvi sarà na gran pagura
Guasco l'a dec: " Av dag ancù vent di
Speranda c'as presenta cocadò csi chi"

Dop l'ultimatum dii President
Cocadò s'e mutà an muviment
Iò l'a dec: " Se a Rivarò i son tuc cuiò
Da i Fiond al port mi ion bò"

Soma rivà a i mument dla verità
Ma ansò s'era ancura presentà
Ian fina ritardà la riuniò
Perché ad fora iera na gran confusió

I criavu, i travu i brass, i sbativu gli al
Pensanda d'amni andrenta a romp el bal
Quand chi son finalment riuscì a cminsà
Venturè l'a ciamà ad pudi parlà

Cacadò all'è mutà su
L'a rot el bal tant che la gent ina pudiva più
Ma a sesur ina aparisiò
Na bela dona a cap dla Cumisiò

E coschì a l'è ancù gnent
Ater quater don ie entrà andrent
I sociu i son restà an po' li
Ma an ché mà ca soma fin!

Ma quan che ie stac la vutasiò
Tuc cuntent meno du astensiò
Vacari l'a piasà Costanza da cunsigliè
Almenu coca vota sl'a leva da i pè

Cichinè pensanda ad pudi mangià
Dona e surela l'a mandà
Daniele l'a sfrutà l'ucasiò
Ad mutà la dona an seconda pusisiò

Ma Franco as pesa ados, l'e tut cuntent:
“Mi iò la dona President”
Le la rid tota, l'e fina arfiureia:
“Ad SOMS con toti don iè ammà la meia”

Ma ad fora i solit cuiò
I disu: “Costi i duru fina a stimsò”
Anveci stè atent, drubì bè gli ureg
Che si eru gnent lur a tiravu ii fureg

F I N E

Ades sì ca soma rivà a la fè
Con toti si don chi cmandu chisà chi riva coc basè
E che cocadò cas seja gnent arsantù
E l'aba gnent da dam del psà an tii cù

Cme tuc i an ioma schersà
Ades crumpè la BUSINA'
Andoma fora dal bal
Ca iè da bai e da mangià el gal